


Kwanini Matandazo?

Bila matandazo...



Matandazo...



Huhifadhi unyevunyevu


Wakati wa kiangazi unyevunyevu
hupotea, udongo hukauka, kuwa
mgumu na kumatika.

Matandazo huzuia kupotea
kwa unyevunyevu na kuhifadhi
unyevunyevu kwenye udongo.



Zuia magugu

Magugu huchukua mwanga na rutuba
kutoka kwenye udongo.
Matandazo huzuia magugu kuota,
hivyo kuwa na mwanga na rutuba
kwaajili ya mimea.



Chembechembe za udongo



Huzuia mmomonyoko

Matone ya mvua yanapodondoka
huosha udongo wa juu na kuacha
mifereji. Matandazo hukinga udongo
kwa kufanya maji yaingie taratibu.

Namna ya kuweka matandazo

Nitumie nini?

Tumia masalia ya mimea kama
vile migomba, mabua ya mahindi,
maharage, majani na magugu
kuweka matandazo. Usitumie mimea
iliyoathirika kwani inaweza kusambaza
maradhi ya ugonjwa.

Vipi wadudu waharibifu?

Acha nafasi kuzunguka shina la mmea
ili kuzuia wadudu waharibifu.

Lini niweke matandazo?

Weka matandazo kila mara wakati
wa kiangazi ili kufanya udongo uwe
na unyevunyevu. Wakati wa masika
matandazo huzuia mmomonyoko na
magugu.

Matandazo huongeza mboji/
matamahuruku kwenye udongo hivyo
kuboresha na kuongeza mazao.